

SCRIPT OF MORNING GOJRI NEWS BULLETIN 18JULY 1015 HRS

مارننگ گو جری نیوز بلیٹن مورخہ 18 جولائی 2025

یوہ آکا شوانی جموں ہے جاوید اقبال تیں خبر سُنو۔

LGSSK

جموں کشمیر گالف لیفٹیننٹ گورنر نے گورنر سینک سبٹینہ کینڈرا غا قیام غی منظوری دے دتی ہے یوہ کینڈر مسلح افواج تے سینٹرل آدمڈ پولیس فورسز غا حاضر سروس اہلکاراں واسطے ایک مخصوص شکایات غا ازالہ غو مرکز وے غو۔ اس غو مقصد اُن فوجیاں غی مدد کرنو ہے جہیزا جموں کشمیر مانہ تعینات ہیں یا اتوں تعلق رکھیں یوہ مرکز ایک سنگل ونڈو سسٹم غا طورور کم کرے غو جت فوجی اپنی عام شہری نوعیت غی شکایت درج کراسکیں غا جانچن تے حل کرن غو بندوبست کیو جے غو لیفٹیننٹ گورنر نے سماجی میڈیا پوسٹ مانہ دسیو کہ یوہ مرکز سول پولیس افسراں غے نال رابطہ مانہ رے غو شکایات نانہ ٹریک کرے غو ت ہر تین مہینہ مانہ لیفٹیننٹ گورنر نانہ رپوٹ دے غو۔ یوہ مرکز فوری طور ور جموں تے سرینگر غا سول سیکرٹریٹ مانہ کم شروع کرے غو۔

LG PM MEET

اسے دوران لیفٹیننٹ گورنر منوج سنہا نے وزیر اعلیٰ نریندر مودی نال کل نوی دہلی مانہ ملاقات کی۔ اک سوشل میڈیا پوسٹ مانہ وزیر اعظم غا دفتر نے میٹنگ غا بارہ مانہ جانکاری سانجی کی ہے۔

CM MM

وزیر اعلیٰ عمر عبداللہ نے کل تاریخی مبارک منڈی کمپلیک جموں مانہ چل ربیا بجلی کم کاج غو جانیزو لیو تے سابق ڈوگرہ شاہی محل غی تعمیراتی عظمت نانہ بحال کرن غا مقصد غا سلسلہ مانہ کثیر پروجیکٹاں غا بارہ مانہ تفصیلی جانکاری حاصلکی ماسٹر پلان مانہ کرافٹ بازار لائبریری کہگے پین برج تے لفٹ غے ذریعے بہتر رسائی شامل ہے اس موقعہ ور ولے سر تکمیل ور زور دیتا واں وزیر اعلیٰ نے صحت نانہ اک اہم توجہ غے طور ور تیار کرن تے ڈوگرہ دستکاری نانہ فروغ دین ور زور دتو صلاحکار ناصر اسلم وانی تے ایم ایل اے جموں ایسٹ یودویر سیٹھی وی وزیر اعلیٰ غے ہمراہ اس موقعہ ور موجود تھا۔

RANAA TREKKING ROUTES

قبائلی امور کا وزیر جاوید احمد رانا نے جموں کشمیر مانہ ماہول دوست سیاحت نانہ بادھو دین کا مقصد نال نواں طریقہ متعارف کرنا کی گل کی ہے سول سیکرٹریٹ مانہ اک میٹنگی صدارت کرتا واں وزیر موصوف نے جنگلات تے قبائلی امور محکماں بشکار تال میل ور زور پایو اس کاروائی گو مقصد قبائلی نوجواناں نانہ تربیت دے گے بااختیار بنانو ہے جناب رانا نے کہیو ہے جے اس کاروائی کا نتیجہ مانہ ثقافتی وراثت نانہ بادھو ملے غو۔

AMARNATH YATRA

اک تہاڑے معطل رہن تیں بعد 7 ہزار 9 سو 8 یاتریاں غو جتھو بھگوتی نگر یاتری نواس بنیادی کیمپ جموں تیں کشمیر لئی اج سویرے 261 گڈیاں غا قافلہ مانہ امرناتھ غار درشن واسطے روانہ ہوو اس جتھ مانہ 5 ہزار 9 سو 57 مرد 1 ہزار 6 سو 13 خواتین 26 بچہ 2 سو 90 سادھو 22 سادھوی شامل ہیں اسے دوران 2 ہزار 8 سو 79 یاتری بالتال بنیادی کیمپ تے 5 ہزار 29 پہلگام بنیادی کیمپ واسطے روانہ ہوا ہیں قابل ذکر ہے جے یوہ یاترہ ویروار نانہ متی بارش ہون غی وجہ تیں روک دتی گئی تھی یاترا دوبارہ شروع ہون غا سلسلہ مانہ یاتریاں مانہ برو جوش و خروش دیکھیو گیو۔

US PAHALGAM TRF

امریکہ کا سٹیٹ محکمہ نے ٹی آر ایف تنظیم نانہ 22 اپریل پہلگام دہشت گرد حملہ واسطے ذہ دار قرار دتو ہے جموں کشمیر غا پہلگام سیاحتی مقام مانہ ہوا اس دہشت گرد حملہ مانہ 26 افراد ہلاک ہو گیا تھا۔ امریکی سیکرٹری نے کہی وے جے اس سلسلہ مانہ صدر ٹرمپ کی طرفوں دہشت گرد گے خلاف موقف سخت ہو گیو ہے۔
